




Održana XVI proširena sjednica Upravnog odbora UP FBiH



Održan Okrugli sto na temu "Zakon o javnim nabavkama BiH"



Nova članica Udruženja poslodavaca FBiH HRVATSKA POŠTA



Safudin Čengić ponovo imenovan za generalnog direktora Centrotrans Eurolinesa

ODRŽANA XVI PROŠIRENA SJEDNICA UPRAVNOG ODBORA UP FBIH



Mladen Pandurević, direktor UP FBIH, Safudin Čengić, predsjednik U.O. i Midhat Terzić, potpredsjednik U.O.

Dana 19. decembra u prostorijama hotela “Bosnia” održana je XVI proširena sjednica Upravnog odbora Udruženja poslodavaca FBiH.

Na sjednici se razmatrao slijedeći dnevni red,

1. Usvajanje zapisnika sa XV proširene sjednice Upravnog odbora UPFBiH;
2. Zakon o radu FBiH
3. Razmatranje materijala za 99-23 sjednicu ESV-a;
Zapisnik sa redovne 97-21. sjednice, nastavka 97-21 i redovne 98-22. sjednice ESV-a;
 - a. Zaključci sa redovne 97-21. sjednice, nastavka 97-21 sjednice ESV-a
 - b. Zaključci sa nastavka redovne 97-21 i 98-22. Sjednice ESV-a
 - c. Nacrt zakona o sigurnosti i zdravlju na radu;
 - d. Nacrt zakona o štrajku;
 - e. Nacrt zakona o izmjenama i dopunama Zakona o unutrašnjoj trgovini;
 - f. Nacrt zakona o izmjenama i dopunama Zakona o pripadnosti javnih prihoda u FBiH
4. Tekuća pitanja

Predsjednik Upravnog odbora je predstavio Zakon o radu FBiH i u kratkom izlaganju prisutne informisao o procesu pregovora između Udruženja poslodavca FBiH i Saveza samostalnog sindikata BiH. Nakon diskusije je donesen slijedeći zaključak;

Potrebno je i dalje insistirati na usvajanju Zakona o radu koji bi uključio veći dio amandmana koje je sačinilo Udruženje poslodavca FBiH. Potrebno je o spornim tačkama pregovarati sa predstavnicima Sindikata kako bi se pronašlo najbolje rješenje za obje strane.

Hazim Zečević je članove Upravnog odbora izvjestio o aktivnostima Radne grupe za izradu Nacrta zakona o sigurnosti i zdravlju na radu. Nakon kratke diskusije donesen je slijedeći zaključak;

Mi ćemo ostati pri stavu da ovakav tekst zakona nije prihvatljiv poslodavcima te da se insistira na primjedbama koje je Udruženje poslodavaca FBiH prosljedilo nadležnom Ministarstvu.

Vejsil Huremović je Upravni odbor informisao o aktivnostima koje su bile po pitanju Nacrta Zakona o štrajku. Nakon diskusije donesen je slijedeći zaključak.

Delegacija poslodavaca u Ekonomsko socijalnom vijeću će pokušati promovirati određene članove Nacrta Zakona o štrajku o kojima se diskutovalo tokom sjednice, te će se na svaki član dati dodatno objašnjenje.

Edina Ibrahimpašić je kratko predstavio Nacrt zakona o izmjenama i dopunama Zakona o unutrašnjoj trgovini.

Potrebno je provjeriti u kojoj fazi je navedeni Nacrt zakona, te ukoliko nije obavljena javna rasprava istu treba obaviti u što skorijem roku. Delegacija ESV-a treba zauzeti stav u vezi određenih članova ovo, a o kojima se govorilo tokom diskusije po ovoj tački dnevnog reda. Inistirati d Ministarstva da jasno ukaže na krivce za nedonošenje akata u vezi ovog Nacrta zakona.

Nakon održavanja sjednice U.O. U prostorijama hotela "Bosnia" održan je okrugli sto na temu "Zakon o privrednim društvima FBiH" koji je organizovalo Udruženje poslodavaca FBiH u saradnji sa IFC-om.



Članovi U.O.; Fadila Poplata, Arbelšed d.o.o. Sarajevo, Suhad Ećo, Inside by Ećo Sarajevo i Vejsil Huremović, Sisecam Soda Lukavac

Održan Okrugli sto na temu “Zakon o javnim nabavkama BiH”



Učesnici okruglog stola “Zakon o javnim nabavkama BiH”

U Sarajevu održan okrugli sto na temu Zakona o javnim nabavkama BiH i Zakona o stečajnom postupku FBiH.

Zakon o javnim nabavkama u Bosni i Hercegovini morat će se dodatno unaprijediti amandmanima na novi prijedlog zakona koji je u parlamentarnoj proceduri, zaključak je današnjeg okruglog stola kojeg su u Parlamentu BiH u Sarajevu danas organizovali Asocijacija poslodavaca BiH i Antikorupcijska mreža u BiH ACCOUNT.

Poslodavci i predstavnici nevladinih organizacija danas su razgovarali i o unapređenju stečajnih postupaka i zaključili da stečaj ne treba da znači i gašenje firme u kojoj se provodi.

Alija-Remzo Bakišć, direktor Asocijacije poslodavaca rekao je kako postoji još samo jedan način da se unaprijede javne nabavke a to je kroz amandmane u Parlamentu.

- Udruženje već duže ukazuje da su odredbe zakona legalizacija nelegalnog rada u javnim nabavkama – rekao je Bakišć.

Direktor Antikorupcijske mreže Eldin Karić je naglasio kako je mreža predlagala izmjene zakona ali da svi prijedlozi nisu usvojeni. Dodao je kako loš sistem javnih

nabavki šteti i stranim ulaganjima u BiH, na šta ukazuje Bijela knjiga koju svake godine izdaje Udruženje stranih investitora u BiH.

- Bijela knjiga je svake godine sve deblja a trebala bi biti sve tanja i to je problem jer se ništa ne rješava – rekao je Karić.

Najveće promjene u sistemu javnih nabavki koje će donijeti novi zakon predstavila je Đinita Fočo, direktorica Agencije za javne nabavke koja je na novom zakonu počela raditi još 2011. godine. Rekla je kako do sada nije bilo volje u institucijama vlasti da se napravi iskorak sa zakonom.

Novi bi zakon trebao biti jednostavniji i za ugovorne organe koji raspisuju tender ali i firme koje na njima učestvuju. Fočo je najavila veću transparentnost u provođenju javnih nabavki ali i veće korištenje portala Agencije za javne nabavke.

- Razvijamo program za elektronsko preuzimanje tenderske dokumentacije bez naknade – kazala je Fočo i dodala kako će se od ugovornih organa tražiti da na portalu Agencije objavljuju svoje godišnje planove javnih nabavki.

Od ponuđača odnosno dobavljača će se tražiti i manje potvrda sve dok ne pobijede na tenderu, istakla je Fočo.

Poslodavci su tokom rasprave o novom zakonu iznosili svoje prijedloge za poboljšanje javnih nabavki u BiH koje vrijede oko četiri milijarde maraka godišnje. Predstavnik BH Telecoma na okruglom stolu Senad Herenda tražio je izuzimanje ove kompanije iz sistema javnih nabavki jer ova kompanija sa većinskim državnim vlasništvom posluje na tržištu sa privatnim kompanijama. Ćinita Fočo je objasnila kako će novim zakonom ova i slične kompanije biti oslobođeni obaveze da provode tendere po Zakonu o javnim nabavkama jer se radi o kompaniji koja radi na komercijalnoj osnovi.

Stjepan Rudeš iz Elektroprivrede Hrvatske zajednice Herceg Bosne smatra da je novi zakon više prilagođen dobavljačima.

- Ovaj zakon u dobroj mjeri ide u korist ponuđača a na teret ugovornog organa – rekao je Rudeš i dodao kako smatra da zakon neće riješiti problem takozvanih profesionalnih žalilaca koji odugovlače provođenje javnih nabavki.

Urednica Centra za istraživačko novinarstvo iz Sarajeva Renata Radić-Dragić dovela je u pitanje nove odredbe zakona o povjerljivosti informacija i transparentnosti što bi moglo utjecati na izvještavanje medija o javnim nabavkama.

Direktorica Agencije Fočo na većinu pitanja i prijedloga je odgovarala obrazloženjem da su pratili direktive Evropske unije o javnim nabavkama jer im je tako naložio Parlament BiH. Safudin Čengić, predsjednik Upravnog odbora Udruženja poslodavaca Federacije reagovao je na ovakve odgovore i rekao kako direktive

Evropske unije u BiH trenutno nisu najbolje rješenje.

- Nemojte prepisivati zakone EU koje ne možete primijeniti – rekao je Čengić i pohvalio uvođenje kazni za odgovorne osobe u novom zakonu.

Svoje viđenje novih zakonskih rješenja o javnim nabavkama ali i promjenama u stečajnom postupku dali su i predstavnici nevladinih organizacije.

Izmjene u zakonima o stečajnom postupku trenutno se vrše na entitetskim nivoima i distriktu Brčko. Parlament Federacije je umjesto izmjena predložio pravljenje potpuno novog zakona o čemu je govorila Hasna Ljubović iz Udruženja za građanska prava.

Šaćir Rahman je predstavio najveće dosadašnje probleme u provođenju stečaja i dao prijedloge koji bi se trebali uvrstiti u nove zakone.

- Stečajni kod nas traju godinama a trebali bi biti hitni – rekao je Rahman i objasnio kako firme u krizi godinama ne pokreću stečajni postupak umjesto kojeg rasprodaju imovinu i gase firmu: Osnovni cilj stečaja je da se sačuva privredni subjekt.

Tokom diskusije je naglašeno kako stečajni upravnici odugovlače svoj posao umjesto da ga završe što prije kako bi se sačuvala firma. Jedan od načina na koji bi se mogao unaprijediti njihov rad jeste uvođenje komore stečajnih upravnika, što je trenutni prijedlog u Srbiji, gdje bi se stečajni upravnici licencirali poput revizora.

Asocijacija poslodavaca BiH i Udruženje poslodavaca FBiH će prikupiti prijedloge za amandane na Zakon o javnim nabavkama do kraja godine kako bi ih već početkom naredne godine poslalo Parlamentu. Najavljeni su i novi okrugli stolovi o javnim nabavkama i stečajnom postupku u narednoj godini.



Okrugli sto održan je u Sali zgrade Parlamenta BiH

Nova članica Udruženja poslodavaca FBiH HRVATSKA POŠTA Mostar

Udruženju poslodavaca FBiH je 20. decembra 2013. godine je pristupila kompanija Hrvatska pošta Mostar. Kompanija Hrvatska pošta Mostar je ulaskom u UPFBiH dobila legitimnu snagu da svoj poslovni ambijent olakšava pogodnostima za koja će se sada zalagati kroz UPFBiH, a koja su bitna karika u daljem razvoju poslodavaca iz Hercegovačko-neretvanskog kantona.

Hrvatska pošta d.o.o. Mostar od prvoga januara 2003. godine posluje kao samostalno poduzeće nastalo razdvajanjem bivšeg poduzeća Hrvatska pošta i telekomunikacije-HPT na dva poduzeća, Hrvatsku poštu d.o.o

Mostar i Hrvatske telekomunikacije d.o.o Mostar. Hrvatska pošta d.o.o. Mostar danas zapošljava 745 djelatnika, ima mrežu s 108 poštanskih ureda.

Hrvatska pošta - jedna od tri javne poštanske administracije u BiH

Hrvatska pošta Mostar jedna je od tri javne poštanske administracije u Bosni i Hercegovini. Hrvatska pošta Mostar počela je s djelovanjem 1993. godine kao dio poduzeća Hrvatska pošta i telekomunikacije-HPT.

Od 1. siječnja 2003. godine Hrvatska pošta postala je samostalna poštanska administracija.

Djelovanje Hrvatske pošte Mostar kao poštanske administracije u Bosni i Hercegovini regulirano je i Zakonom o pošti Federacije Bosne i Hercegovine.



Global Market Solutions - usavršavanjem izvrsnosti kvalitete usluge do poslovnog uspjeha

Global Market Solutions d.o.o. je kompanija za istraživanje tržišta i poslovno savjetovanje, fokusirana na izvrsnost u nuđenju poslovnih rješenja svojim klijentima. GMS posluje na tržištu BiH od 2006. godine kao prva bh. agencija koja se specijalizirala za Mystery Shopping i vezana istraživanja. Tajni kupci uključeni u projekat prema unaprijed definiranim kriterijima detaljno i objektivno mjere kvalitet usluga kompanija i/ili konkurencije s ciljem poboljšanja, podizanja kvaliteta usluge i nakon toga na odgovarajući način izvještavaju o svom iskustvu na usporediv i konzistentan način.

- GMS se specijalizirao u:
- Mystery Shopping
- Purchase & Return Mystery Shopping
- Mystery calls
- Mystery web
- Mystery e-mail



Svjetski marketing stručnjaci i naši klijenti su prepoznali sljedeće beneficije Mystery shoppinga koji:

- Gradi ukupnu svjesnost o važnosti odnosa s kupcima
- Motivira zaposlenike za pružanje izvrsne usluge kupcima, i to sve vrijeme i svim kupcima
- Prati cijene i kvalitet konkurentskih usluga
- Poboljšava razinu kvaliteta usluge
- Povećava zadovoljstvo kupaca
- Dovodi do povećanja prodaje i profita.

Mystery Shopping nije fokusiran isključivo na interakciju kupca i prodajnog osoblja, već na cjelokupno iskustvo kupaca (tzv. customer experience management) na koje osim prodajnog osoblja utječu i prostor, proizvod, cijena, način pružanja usluge i dr.

U toku mjeseca januara Global Market Solutions je pripremio posebne pogodnosti za Mystery Shopping članicama Udruženja.

Na osnovu višegodišnjeg iskustva u istraživanju nekih od najzahtjevnijih grana industrije GMS je razvio ostale usluge koje nudi. GMS je uočio i shvatio kako da svojim klijentima pomogne teorijski i praktično pri pružanju izvrsne kvalitete usluge.

Global Market Solutions nudi svojim klijentima sljedeće usluge:

- Istraživanja tržišta
- Poslovno savjetovanje
- HR savjetovanje
- Marketing socijalnih mreža


Global Market Solutions pokreće novi projekat i takmičenje Customer Service Awards, koji za zadatak ima prepoznati, nagraditi i medijski eksponirati kompanije s najboljom podrškom za klijente. Na taj način će te kompanije biti nagrađene za poštovanje klijenata i veliki napredak koji ostvaruju na tržištu Bosne i Hercegovine.

Posebnost ove nagrade jeste njena transparentnost u svakom segmentu:

1. Nominacijama
2. Metodama ocjenjivanja
3. Dodjeli nagrada

Takmičenje će biti realizirano u pet koraka: nominacije, plaćanje kotizacije, procjena, analiza i dodjela nagrada i gala večer.

Za više informacija posjetite web stranicu kompanije www.gms.ba i informirajte se o takmičenju, projektima, uslugama i načinima saradnje.



Safudin Čengić ponovo imenovan za generalnog direktora Centrotrans Eurolinesa



Safudin Čengić, generalni direktor Centrotrans-eurolines i predsjednik U.O. UP FBiH

Na sjednici Nadzornog odbora kompanije Centrotrans Eurolines d.d. danas je donesena odluka o ponovnom imenovanju Safudina Čengića za generalnog direktora za mandatni period 2014. - 2017. godina.

Safudin Čengić je na čelu kompanije od 1. januara 2010. godine, a njegov angažman u kompaniji Centrotrans Eurolines datira od 1991. godine, od kada je uspješno obnašao razne rukovodne funkcije u okviru složenog sistema Centrotrans i Centrotrans Eurolines i to: direktor saobraćaja, direktor marketing funkcije, izvršni direktor društva i generalni direktor.

U periodu od 2010. do 2013. godine, odkad obnaša funkciju generalnog direktora kompanije, uspio je, uprkos surovim i tržišno izazovnim uslovima privređivanja, svaku godinu završiti sa pozitivnim rezultatima poslovanja.

Programi i mjere koje je uveo za ublažavanje krize u ovom globalnom periodu recesije dovele su do smanjenja ukupnih troškova poslovanja te su održale finansijsku stabilnost društva i izmirenja obaveza prema državi i uposlenicima.

U prethodne četiri godine njegovog mandata povećan je broj zaposlenih kao i broj novonabavljenih vozila. Sada rukovodi sa 510 zaposlenih, a u paleti voznog parka Centrotrans Eurolinesa je 201 vozna jedinica. Jedan je od nosioca i pokretača segmenta za sportski turizam pri kompaniji, što je u proteklom

periodu rezultiralo uspješnim poslovanjem ovog segmenta firme, Centrotoursa. U okviru kompanije Centrotrans Eurolines, ličnim primjerom i samodisciplinom, postigao je izuzetne poslovne rezultate, zavidnu organizaciju i poslovnu kulturu u samoj firmi.

U programu rada i aktivnosti za period od 2014. do 2017. godine predložio je niz aktivnosti koje će biti usmjerene na: kontinuirano pružanje kvalitetnih prijevoznih i drugih vrsta usluga razvojem i stalnim unapređenjem vlastitih tehničko-tehnoloških i ljudskih resursa, osiguranje stalne edukacije i dodatnog obrazovanja svih uposlenika, stvaranje imidža društveno odgovornog privrednog subjekta, investiranje u nove vozne jedinice kako bi omogućili korisnicima kvalitetan i siguran prijevoz.

U periodu više od 30 godina aktivnog rada u Centrotransu, Safudin Čengić je također imao jednu od ključnih uloga u radu raznih udruženja, odbora, komisija i organa u okviru komorskog sistema, udruženja poslodavaca, ministarstava saobraćaja na svim nivoima organizacije u Bosni i Hercegovini.

Nadzorni odbor je na sjednici imenovao za izvršnog direktora Zajedničkih funkcija Edina Lončarića i za izvršnog direktora Tehničke funkcije menadžmenta Ibrahima Kerlu, saopćeno je iz Centrotrans Eurolinesa.

ASA Auto - lider u prodaji novih automobila

ASA Auto je i dalje lider u prodaji novih automobila. Tržišni udio putničkog programa ASA Auta u 2013. godini iznosi 44,22%, a privrednih vozila 31,73%.

"Prošla godina je bila jako izazovna za cjelokupnu automobilsku industriju. Međutim, mi smo zahvaljujući posvećenosti i predanosti naših uposlenika uspjeli zadržati lidersku poziciju. I u ovoj godini ćemo nastaviti sa istim tempom i našu ponudu dodatno obogatiti sa novim modelima, uslugama i pogodnostima, kako bi naš krajnji kupac bio zadovoljan", ističe Senad Olovčić, direktor ASA Auta.

Tržišno učešće u ukupnom bh. tržištu za putničke automobile januar/decembar 2013. godine izgleda ovako: Škoda 20,42%, Volkswagen 16,19%, Audi 5,04%, Seat 1,93%, Porsche 0,64%, dok je situacija za tržište privrednih vozila BiH sljedeća: Volkswagen NFZ 31,24%, Škoda NFZ 0,49%.

Kada su u pitanju segmenti putničkih vozila, u segmentu mini vozila lideri su Volkswagen Up i Citigo, dok je Škoda Fabia/Combi neprikosnovena u segmentu malih vozila. U segmentu niže srednje klase, na prvoj poziciji je Škoda Octavia/Combi, a na drugoj Volkswagen Golf/Variant. U srednjoj klasi, odnosno segmentu B, dominira Volkswagen Passat/Variant, dok u višoj srednjoj klasi prvo mjesto zauzima Audi A6.

Titula lidera segmenta luksuznih vozila i sportskih kabrio vozila rezervisana je za modele Audi A8 i Porsche Panameru, odnosno Audi A5.



Todorić prodao Staniću Sarajevski kiseljak, Jamnicu i Mladinu



Ivica Todorić, prvi čovjek Agrokoru, vlasniku Stanić grupe, Svjetlanu Staniću, prodaje dio proizvodnje u Jamnici, Mladini i Sarajevskom kiseljaku, piše Jutarnji list.

Ovo je prvi put da se Agrokor rješava jednog od svojih najjačih brendova, a vrijednost transakcije je nezvanično 48 miliona eura.

Odluka Stanić grupe da preuzme Agrokorovu proizvodnju sokova ne čudi s obzirom na to da se još prije dvije godine takmičila za kupovinu slovenačkog Fructala, koji je na kraju kupio Nectar.

Stanić grupa već neko vrijeme planira proizvodnju sokova bez obzira na neuspjeh s Fructalom.

Ivica Todorić, vlasnik Agrokoru

nešto prodaje, ali u kontekstu akvizicije Mercatora, za koji Agrokor treba uskoro zatvoriti finansijsku konstrukciju, sve postaje jasnije. Sredinom prošle sedmice Agrokor je prikupio čak 67 miliona eura od nekretninskog fonda W. P. Carey za pet velikih Konzumovih objekata koji su prema modelu 'sale and lease back' potom unajmljeni na 20 godina.

Prije nekoliko dana u Sloveniji su se opet pojavile medijske spekulacije da Agrokor ne može pribaviti novac za kupovinu Mercatora, za što mora osigurati 452 miliona eura. U Agrokoru su takve informacije demantovali, a najnoviji Agrokorovi potezi pokazuju da je u manje od nedjelju dana bez ikakvih banaka skupio čak 115 miliona

Kad je riječ o Todorićevom koncernu, iznenađujuće je da najveći preuzimatelj u regiji

Sajam Taste of Britain 2014 besplatan za registrovane učesnike

(eKapija)Sajam "Taste of Britain 2014" će se održati 21. i 22. januara 2014. u rezidenciji Britanskog ambasadora u Beču. Na sajmu će učestvovati oko 40 britanskih firmi iz oblasti prehrambene industrije (Food & Drink) koje traže distributere u dijelu centralne i jugoistočne Europe.

Sajam predstavlja idealnu priliku za distributere prehrambenih proizvoda iz BiH da stupe u kontakt sa britanskim firmama i eventualno ostvare saradnju, saopćili su iz Ambasade Velike Britanije u BiH.

Više detalja o samom događaju, kao i učesnicima, nalazi se u boršuri u prilogu. Ulaz na sajam za registrovane učesnike iz BiH je besplatan.

Kontakt informacije i registracija; Emir Sabic, Trade Advisor, Tel: +387 (0)33 282 212|FTN 8297 2212, E-mail: emir.sabic@fco.gov.uk, UK Trade & Investment, British Embassy Sarajevo, Hamdije Čemerlića 39a, 71 000 Sarajevo, BiH.

APF: Planiramo prodati FDS, Bosnalijek i Energoinvest



Agencija za privatizaciju
u Federaciji BiH

(indikator.ba) Agencija za privatizaciju u Federaciji Bosne i Hercegovine (APF) u 2014. godini planira prodaju nekoliko preduzeća u kojima Federalna vlada ima manjinski vlasnički udio, izjavio je u razgovoru za "Dnevni avaz" Šuhret Fazlić, direktor APF-a.

- Riječ je o „Energopetrolu“, Fabrici duhana Sarajevo (FDS), „Bosnalijeku“ i „Sarajevo-osiguranju“ - kazao je Fazlić.

Naglasio je da je riječ o Planu za privatizaciju, koji je usvojio Upravni odbor APF-a, ali još nije i Vlada FBiH.

- Prema tom planu, namjeravamo privatizirati i preduzeća gdje je udio vlasništva Vlade veći - „Aluminij“ iz Mostara, „Energoinvest“, „Željezaru“ Zenica. Iako imamo određeni udio i u „BH Telecomu“, u ovogodišnjem planu nismo ovo preduzeće predložili za prodaju - kazao je Fazlić.

Sudeći prema informaciji Agencije koju su pripremili za posljednju

sjednicu Vlade, ponovo je aktuelizirana „malaprivatizacija“ u Federaciji. Krajnji rok za „malu privatizaciju“ je 25. novembar 2015. godine.

S obzirom na to da u agencijama smatraju da takav vid prodaje može biti i svojevrsno restrukturiranje preduzeća, jer dobit od prodaje dijelova ekonomske cjeline može poslužiti za preživljavanje cjelokupnog sistema, agencije su za 2014. godinu inicirale da sva preduzeća obave analizu i predlože prodaju kroz „malu privatizaciju“.

- APF je u okviru pripreme Plana privatizacije za 2014. već krajem prošle godine uputio dopis preduzećima iz svoje nadležnosti da dostave spisak svega što bi moglo biti predmet prodaje. Među prvim objektima kandidiranim za prodaju u maloj privatizaciji je KTK Visoko, a najvjerojatnije će i određene ekonomske cjeline „Agrokomerca“ iz Velike Kladuše ići u prodaju - rekao je Fazlić.

On tvrdi da je teško procijeniti o

kolikoj se ukupnoj vrijednosti radi, s obzirom na to da su brojni nekadašnji „veliki sistemi“ s vremena na vrijeme prodavali dijelove ekonomskih cjelina i s tim novcem preživljavali. Navodno nije riječ o znatnim iznosima novca. U svakom slučaju, dodao je Fazlić, novac od prodaje u „maloj privatizaciji“ ide direktno preduzećima, odnosno za finansiranje poslovanja.

Pojašnjenje APF-a za aktueliziranje „male privatizacije“ jesu efekti od novca koji se može dobiti prodajom određenih dijelova preduzeća, odnosno objekata nekadašnjih velikih sistema.

Novac je namijenjen isključivo za plaćanje dugovanja dobavljačima, bankama, kao i za rješavanje statusa uposlenika tih preduzeća, za doprinose i uvezivanje radnog staža.

Gebruder Weiss širi poslovanje u BiH



(indikator.ba)Ovu godinu ćemo završiti sa pozitivnim poslovanjem, iako je sama godina imala vrlo čudne trendove, uzlaznu i silaznu putanju, kazao je Almir Jonuz, direktor logističke firme Gebruder Weiss BiH.

- Jako smo zadovoljni, akvizirali smo nekoliko dobrih klijenata u skladišnoj logistici što nam je bio glavni cilj, tako da možemo biti jako zadovoljni razvojem situacije u zadnjem kvartalu ove godine, rekao je Jonuz. Dodao je da je kompanija u pregovorima sa velikim kompanijama u 2014. koje će sami po sebi dovesti do novih zaposlenja, otvaranja novih odjeljenja itd.

- U narednom periodu pored proširenje skladišnih kapaciteta nastavit ćemo da radimo na poboljšanju kvaliteta usluga. Ne želimo da imamo trend da nam kvantitet ide nauštrb kvaliteta tako da ćemo ići u u drugu fazu zapošljavanja i proširenja odjeljenja. Otvorili smo sve ssevise koje inače Gebruder Weiss nudi u Evropi, tako da nam je cilj zadržati taj kvalitet sa postojećim klijentima uz proširenje kapaciteta, ističe Jonuz. Kompanija Gebruder Weiss je u BiH prisutna indirektno od 2006. godine preko drugih špedicija, a registrovala je kompaniju u BiH 2008. godine.

Nakon pet godina kompanija ima 23 uposlenika, a 15. juna je preselila u nove prsotorije, u kojima je otvoren i logistički centar sa skladišnim kapacitetom od hiljadu kvadratnih metara. Cilj je da u naredna tri mjeseca budenapravljen dodatak koji će imati ukupno 2.000 kvadrata skladišnog prostora u kojem će se raditi po najmodernijim tehnologijama.

Rad na smanjenju doprinosa za zdravstveno osiguranje u Federaciji BiH



Zdravstveni sektor

Unutar Komisije za rasterećenje privrede koju vodi Federalno ministarstvo finansija, osnovana je potkomisija koja će se baviti problematikom finansiranja zdravstvenog sistema. Fokus ove potkomisije jeste pravljenje modela finansiranja zdravstva po kojem će se davanje koje izdvajaju

poslodavci prilikom isplaćivanja zarada svojim uposlenicima probati skinuti sa tereta poslodavaca nauštrb finansiranja ovog fonda po nekom drugom modelu.

Ovom potkomisijom predsjedava Emir Pašić ispred Gospodarske/Privredne komore Federacije BiH, a njene članove čine predstavnici Federalnog ministarstva finansija, Zavoda za zdravstveno osiguranje, Federalnog ministarstva zdravstva, Udruženja poslodavaca FBiH i drugih relevantnih tijela. Grupa će se sastajati do trenutka do kada ne bude utvrđen prijedlog modela rasterećenja poslodavaca po osnovu ukidanja davanja za zdravstveno osiguranje.

Nakon dva sastanka dat je prvi prijedlog dokumenta, koji je proslijeđen članstvu na razmatranje, nakon čega će biti prezentiran pred Komisijom za rasterećenje privrede u Federalnom ministarstvu finansija.

JP Elektroprivreda BiH u 2013. godini ostvarila više od milijardu KM prihoda



Dr.Elvedin Grabovica, generalni direktor JP Elektroprivreda BiH, predstavio je rezultate kompanije ostvarene u 2013. godini. JP Elektroprivreda BiH je proteklu godinu okončala sa rekordnim prihodom koji je premašio milijardu KM i dobiti višom od 35 miliona KM. Kako je istakao dr. Grabovica krajem 2013. godine ostvarena je rekordna proizvodnja električne energije, najveća u proteklih 23 godine, čime je oboren i rekord kompanije iz 2011. godine.

"U protekle tri godine u objekte JP Elektroprivreda BiH investirano je više od 560 miliona KM dok je u 2013. godini investirano oko 138 miliona KM", naveo je Grabovica. Planovi i izazovi koji se nalaze pred kompanijom u 2014. godini su početak gradnje tri nova objekta, restrukturiranje kompanije u skladu s novim Zakonom o električnoj energiji i završetak dokapitalizacije rudnika.

Najznačajnije kapitalne investicije JP Elektroprivreda BiH su izgradnja Bloka 7 u TE "Tuzla" – vrijednost 1, 646 milijardi KM, HE "Vranduk" – vrijednost 127 miliona KM i VE Podveležje – vrijednost 140 miliona KM.

"Za Blok 7 TE "Tuzla" u toku je treća faza postupka izbora projektnog partnera. Model realizacije je projektno partnerstvo i u užem izboru su ostale dvije kompanije Konzorcij CHINA GEZHOUBA i Hitachi Ltd, Japan. Rok za dostavu finalnih ponuda je početak aprila 2014. godine" - istakao je generalni direktor JP Elektroprivreda BiH. Dr. Grabovica je kazao da je za HE "Vranduk" JP Elektroprivreda BiH dobila kredit Evropske banke za obnovu i razvoj u iznosu 26 miliona Eura i da su u toku pregovori sa Evropskom investicionom bankom.

Objava tendera za HE "Vranduk" je planirana u martu 2014. godine. Za VE Podveležje, KfW je odobrio kredit od 65 miliona Eura i za ovaj projekat je planirano raspisivanje tendera u martu, odnosno aprilu 2014. godine.

JP Elektroprivreda BiH privodi kraju proces dokapitalizacije rudnika koji su u sastavu Koncerna EPBiH. Programom dokapitalizacije, planirano ulaganje u rudnike koji su u sastavu Koncerna EPBiH je 204 miliona KM.

Dr. Grabovica je ukazao da je dolaskom na čelo kompanije zatekao investicije u rudnike u vrijednosti oko 12 miliona KM. "Ukupna ulaganja u rudnike sada su oko 120 miliona KM, a u procesu nabavke je oko 70 miliona KM. U narednom period je planiran završetak dokapitalizacije rudnika. U 2013. godini je nabavljeno 5, 5 miliona tona uglja" - kazao je generalni direktor JP Elektroprivreda BiH, vladajućeg društva u Koncernu EPBiH.

U 2013. godini su svi kupci uredno i redovno snabdijevani električnim energijom.

Promocija novonabavljenih vozila za gradski prijevoz



Safudin Čengić, generalni direktor Centrotrans-eurolines

Kompanija Centrotrans Eurolines je održala press konferenciju za medije i prezentaciju novonabavljenih vozila za potrebe javnog gradskog prijevoza

Protekla godina bila je iznimno teška za Centrotrans-Eurolines a ni 2014., nažalost, izgleda neće biti bolja, istakao je generalni direktor te kompanije Safudin Čengić na godišnjoj konferenciji za medije koja je održana početkom 2014. godine u Sarajevu.

On je precizirao da je Centrotrans-Eurolines u 2013. imao prihod od 30.180.000 KM, a da ostvarena dobit iznosi 120.000 KM.

- U 2013. investirali smo 5.257.554 KM, od čega 4.784.693 KM za kupovinu 33 gradsko-prigradska autobusa i šest novih turističkih autobusa, dok je za gradnju nove tehničko-ispitne stanice i nabavku ostale opreme izdvojeno 472.000 KM – rekao je Čengić.

Dodao je da je u odnosu na 2012. prihod povećan za 10 posto, pređena kilometraža za 11 posto, broj putnika za 28 posto, a realizacija u saobraćaju za osam posto.

Čengić je naglasio da su u 2013. zaposlili 55 novih radnika i trenutno imaju 613 zaposlenih kojim redovno isplaćuju plaće, a koje su povećane za pet posto u odnosu na 2012.

Kazao je da su u protekloj godini osnovane dvije nove kćerke-firme – Centrotrans-Eurolines d.o.o.Ljubljana, od koje se puno očekuje u 2014., i Centrotrans-PGS d.o.o. Sarajevo za prijevoz putnika na području Kantona Sarajevo.



PRESS Konferencija je održana 06. januara 2014. godinu

Čengić je naglasio da su u 2013. zaposlili 55 novih radnika i trenutno imaju 613 zaposlenih kojim redovno isplaćuju plaće, a koje su povećane za pet posto u odnosu na 2012.

Kazao je da su u protekloj godini osnovane dvije nove kćerke-firme – Centrotans-Eurolines d.o.o.Ljubljana, od koje se puno očekuje u 2014., i Centrotans-PGS d.o.o. Sarajevo za prijevoz putnika na području Kantona Sarajevo.

Čengić je potcrtao da su u 2013. obilježili 65 godina postojanja i 50 godina rada pod imenom Centrotans.

On je rekao da je planom za 2014. predviđen prihod od 30.860.506 KM i dobit od 340.675 KM.

Kao najveće probleme s kojim se susreću u poslovanju Čengić je naveo nekonkurentnost usljed nelojalne konkurencije, promjenjivost cijena energenata i repromaterijala te nepovoljnu poslovnu klimu, uzrokovanu kontinuiranim djelovanjem ekonomske krize na domaćem i međunarodnom tržištu.

Predsjednik Nadzornog odbora Centrotans-Eurolinesa Muhamed Šaćiragić istakao je da je, po osnovu uplate PDV-a i drugih vidova poreza i doprinosa, od završetka rata do danas Centrotans-Eurolines u korist državnog budžeta uplatio više od 110 miliona KM, što je dovoljno za kupovinu više od 500 novih modernih turističkih autobusa.

Smatramo da je bilo kakva komparacija Centrotans-Eurolinesa s kompanijama iz tzv. javnog sektora neumjesna i tendenciozna jer predstavlja poređenje onoga dijela privrede koje ima sve privilegije i podršku aktuelne državne politike u odnosu na privredno društvo koje je u drugom planu, samo zato što se u praksi pridržava svih zakona i propisa koja ta ista država propisuje – kazao je Šaćiragić.



Muhamed Šaćiragić, predsjednik Nadzornog odbora Centrotans-Eurolines

Udruženje poslodavaca FBiH objavilo Publikaciju “Zapošljavanje osoba sa invaliditetom kroz poticaje poslodavcima”



Udruženje poslodavaca FBiH je, na zahtjev većeg broja svojih članica, odlučilo da analizira stavove poslodavaca i metodom anketiranja i organizovanjem nekoliko okruglih stolova odredi buduće pravce djelovanja po ovom pitanju.

Centralni dio ovog projekta ipak zauzima istraživanje koje je provela, uvažena prof. dr. Jasminka Gradašćević-Sijerčić.

Drugi važan razlog je bio to što nismo bili sigurni da, u želji da riješimo velike probleme poslodavaca koji opterećuju njihovo poslovanje, možemo ostati objektivni i nepristrasni. Sigurni smo da samo stručna i objektivna analiza ovog problema može biti odgovarajuća osnova za efikasne i provodive zahtjeve poslodavaca. Pomoć u statističkoj obradi prikupljenih podataka u anketi imali smo od doc. Dr Ensara Šehića sa Ekonomskog fakulteta u Sarajevu.

Svakako je važno naglasiti da ovaj projekat ne bi bio moguć bez pomoći ILO i zato jedno veliko hvala za njih, kao i za Saru Park i Dragana Radića, koji su veoma pomogli ovaj projekat.

Ponosni smo što smo uspjeli da anketiramo poslodavce, na zaista reprezentativnom uzorku.

Istraživanje je provedeno na uzorku od 102 poslodavca, koji ukupno zapošljavaju 66.200 radnika, što čini 24,43% od ukupnog broja od 268.780 zaposlenih u industriji/realnom sektoru u Federaciji BiH 268.7801

Pri tome smo uspjeli da anketiramo poslodavce iz svih kantona u FBiH, te da obezbjedimo zastupljenost svih značajnijih privrednih djelatnosti.

Publikaciju možete preuzeti na ovom linku [Analiza -Zapošljavanje osoba sa invaliditetom kroz poticaje poslodavcima-](#)

Udruženje poslodavaca FBiH objavilo brošuru "Zašto postati član?"



Udruženje poslodavaca FBiH je krajem 2013. godine objavilo brošuru "Zašto postati član". Brošura je namjenjena kompanijama koje još uvijek nisu članice Udruženja, te svim relevantnim organizacijama sa kojima Udruženje saraduje i ima namjeru saradivati u budućnosti.

Brošura u nekoliko stranica predstavlja razloge zašto postati član Udruženja poslodavaca, te kroz izjave predstavnika vlasti na nivu FBiH, izjave socijalnih partner i predstavnike organizacija sa kojima Udruženje saraduje i izjave predstavnika poslodavaca predstavljena je važnost i uloga našeg Udruženja.

Štampanje i pripremu brošure finansijski je pomogao DECP (Dutch Employers Cooperation Mrogramme).

Brošuru možete preuzeti ovdje [Brošura "Zašto postati član?"](#)

PRESS Konferencija Udruženja poslodavaca FBiH

U drugoj polovini mjeseca januara Udruženje poslodavaca FBiH će održati PRESS Koneferenciju na kojoj će predstavnicima medija biti prezentovane osnovne aktivnosti Udruženja poslodavaca FBiH iz protekle godine.

Predsjednik U.O., Direktor UP FBiH i potpredsjednik U.O. će Konferenciji govoriti i o važnosti Udruženja poslodavaca, te o budućim aktivnostima samog Udruženja. Biće prezentirane dvije publikacije koje je Udruženje objavilo u protekloj godini, te će u osvrtu na proteklu godinu biti prezentirani i projekti koje je Udruženje realizovalo tokom 2013. godine. Tkođer će se govoriti i o aktivnostima koje je imalo Udruženje u vezi izmjena i dopuna zakonskih regulativa, te svih drugih aktivnosti koje je Udruženje provodilo.

Na Konferenciju će biti pozvani predstavnici elektronskih i printanih medija iz cijele Federacije BiH, te će tačan datum i mjesto održavanja PRESS-a biti objavljen na web



Nand Shani, ekspert za ekonomski i socijalni razvoj RCC-a u posjeti Udruženju poslodavaca FBiH



U ponedjeljak 13.01.2014. je u prostorijama Udruženja poslodavaca održan sastanak između predstavnika RCC-a (Regional Cooperation Council) g-dina Nand Shanija, i predstavnika Udruženja poslodavaca FBiH i Asocijacije poslodavaca BiH.

Na sastanku je razgovarano o prioritetima vezanim za ekonomski razvoj i razvoj poslovne zajednice, a koji se mogu uključiti u projekte iz sredstava za razvoj SEE 2020 (South-East Europe 2020) strategije. RCC će u saradnji sa Friedrich Ebert Fondacijom krajem januara održati konferenciju na kojoj će se diskutovati o prioritetima, a na kojoj će biti prisutni predstavnici različitih sektora, kao i predstavnici Udruženja poslodavaca. Očekuje se da

će na konferenciji, kroz diskusije, biti sačinjen dokument koji sadrži preporuke za fondove i projekte koji će kasnije biti upućeni Delegaciji Evropske Unije. Na osnovu dokumenta će se raspoređivati sredstva i projekti, a ocijenjeno je da Udruženje poslodavaca FBiH može zauzeti značajno mjesto prilikom korištenja tih fondova i implementacije projekata koji eventualno budu tenderisani.

održan sastanak sa međunarodnim ekspertom za razvoj malih i srednjih preduzeća g-dinom Philipom Hostertom



U ponedjeljak 13.01. je u prostorijama Udruženja poslodavaca održan sastanak sa međunarodnim ekspertom za razvoj malih i srednjih preduzeća


g-dinom Philipom Hostertom i projekt menadžerom tuzlanskog centra za razvoj preduzetništva g-đicom Majdom Mujanović.

G-din Philip Hostert, koji ima zavidno iskustvo u razvoju malog i srednjeg preduzetništva u susjednim zemljama, je ispred programa koji je inicirala Švicarska kroz svoju strategiju za ekonomsku saradnju i razvoj, naglasio mogućnost zajedničkih aktivnosti i projekata u sferi razvoja okruženja za malo i srednje preduzetništvo, naročito za kreiranje novih produktivnih kompanija. G-

din Hostert i g-đa Mujanović su se složili da je misija i djelovanje Udruženja poslodavaca u saglasnosti sa osnovnim idejama programa koji Švicarska vlada ima namjeru da pokrene u zemljama regiona, uključujući i Bosnu i Hercegovinu. Program koji će se vjerovatno razviti u drugoj polovini 2014. će uključivati i inicijativu za izmjene pravnih okvira koji otežavaju osnivanje, ali i poslovanje novoosnovanih firmi.

Seid Fijuljanin je ispred Udruženja poslodavaca pozdravio svaku inicijativu koja za cilj ima kreiranje povoljnijeg ambijenta za poslovanje, naročito ukoliko ona uključuje i promjene na nivou legislative koja se tiče lakšeg poslovanja. Naglašeno je i postoji niz pravnih akata i propisa koji značajno otežavaju fer i korektnu konkurenciju onih poslodavaca koji posluju po zakonu. G-din Hostert je pohvalio napore koje UPFBiH ulaže u svom radu i naglasio da će u skorijoj budućnosti inicirati saradnju između Švicarskih partnera, naših članica, kao i samog Udruženja.

Indeksi uvoznih i izvoznih cijena



INDEKS UVOZNIH I IZVOZNIH CIJENA

Federacija BiH je u novembru / studenom 2013. ostvarila izvoz u ukupnoj vrijednosti 454.154 hilj./tis. KM, što je za 8.438 hilj./tis. KM ili 1,8% manje u odnosu na oktobar / listopad 2013., odnosno za 4.741 hilj./tis. KM ili 1,0% manje u odnosu na novembar / studeni prethodne godine.


U istom mjesecu ostvaren je uvoz u vrijednosti 812.002 hilj./tis. KM, što je za 71.561 hilj./tis. KM ili 8,1% manje u odnosu na oktobar / listopad 2013., odnosno za 4.196 hilj./tis. KM ili 0,5% manje u odnosu na novembar / studeni prethodne godine.

U periodu januar – novembar 2013. izvoz je prosjeno svakog mjeseca rastao za 0,8% a uvoz je prosjeno rastao za 1,7%. Ueše Federacije BiH u ukupnom izvozu Bosne i Hercegovine za novembar / studeni 2013. je 64,5%, a u ukupnom uvozu 62,1%. U istom mjesecu procenat pokrivenosti uvoza izvozom u Federaciji BiH je 55,9% i veći je za 3,5% u odnosu na oktobar / listopad 2013. kada je pokrivenost iznosila 52,4%. Trgovinski deficit Federacije BiH za novembar / studeni 2013. iznosi 357.847 hilj./tis. KM. U novembru / studenom 2013. najviše se izvozilo u: Njemaku 94.514 hilj./tis. KM ili 20,8% ukupnog izvoza; Hrvatsku 54.195 hilj./tis. KM ili 11,9% i Italiju 49.235 hilj./tis. KM ili 10,8% ukupnog izvoza.

Izvoz u sve ostale zemlje iznosi 256.210 hilj./tis. KM ili 56,4% ukupnog izvoza.

U istom mjesecu najviše se uvozilo iz: Hrvatske 125.219 hilj./tis. KM ili 15,4% ukupnog uvoza, Njemake 114.105 hilj./tis. KM ili 14,1% i Italije 87.844 hilj./tis. KM ili 10,8% ukupnog uvoza.

Indeks potrošačkih cijena




INDEKS POTROŠAČKIH CIJENA

U novembru/studenom 2013. godine ukupan indeks cijena proizvođača industrijskih proizvoda viši je za 1,0% u odnosu na prethodni mjesec. Posmatrano prema glavnim industrijskim grupacijama ukupan indeks cijena energije viši je za 4,9%, a trajnih proizvoda za široku potrošnju za 0,2%. Pad indeksa cijena je registrovan/registriran u grupaciji intermedijarnih proizvoda osim energije za 0,7%, kapitalnih proizvoda za 0,5% i netrajnih proizvoda za široku potrošnju za 0,4%.

Posmatrano prema područjima KD-a, indeks cijena je viši za 9,5% u području Proizvodnje i snabdijevanja/opskrbe električnom energijom, gasom/plinom, parom i klimatizaciji, a u području Vađenja ruda i kamena i području Snabdijevanja vodom; uklanjanja otpadnih voda, upravljanja otpadom te djelatnosti sanacije okoliša za 0,3%. U području Prerađivačke industrije indeks cijena je niži za 0,6%. Posmatrano po oblastima, najveći rast indeksa cijena je registrovan/registriran kod Proizvodnje i snabdijevanja/opskrbe električnom energijom, gasom/plinom, parom i klimatizaciji za 9,5%. Najveći pad indeksa cijena je registrovan/registriran u oblasti Proizvodnje tekstila za 9,2%. U ostalim oblastima indeksi cijena se nisu značajnije mijenjali. Ukupan indeks cijena proizvođača industrijskih proizvoda u novembru/studenom 2013. godine u odnosu na isti mjesec prethodne godine niži je za 2,4%, a u odnosu na decembar/prosinac 2012. godine niži je za 1,8%

Zaposlenost po sektorima: Presjek 6.2012/2013




ZAPOSLENOST PO SEKTORIMA


U mjesecu oktobru/listopadu 2013. godine ukupan broj zaposlenih u Federaciji BiH iznosio je 435.813, što predstavlja smanjenje broja zaposlenih za 0,1% u odnosu na septembar/rujan 2013. godine. U odnosu na godišnji prosjek broja zaposlenih u 2012. godini došlo je do smanjenja broja zaposlenih za 0,3%.

Prosječna mjesečna isplaćena neto-plaća po zaposlenom za oktobar/listopad 2013. godine, u Federaciji BiH, iznosi 845 KM, i nominalno je viša za 1,6%, a realno niža za 0,5% u odnosu na prethodni mjesec. U odnosu na isti mjesec prethodne godine prosječna mjesečna isplaćena neto-plaća po zaposlenom za oktobar/listopad 2013. godine nominalno je viša za 0,9%, a realno za 2,8%.

Prosječne plate



PROSJEČNE NETO PLATE




INDEKS CIJENA PROIZVOĐAČA INDUSTRIJSKIH PROIZVODA

Indeksi cijena proizvođača industrijskih proizvoda u Federaciji BiH od 2011. godine su izračunati u skladu sa Klasifikacijom djelatnosti BiH 2010 (Službeni glasnik BiH br. 47/10) i Nomenklaturom industrijskih proizvoda Bosne i Hercegovine 2010 (Službeni glasnik BiH br. 12/11 i 41/11).

U saopćenjima i publikacijama u 2012. godini, koje se odnose na indekse cijena proizvođača industrijskih proizvoda, publikovani su samo indeksi za domaće tržište, a od januara 2013. godine se redovno mjesečno objavljuju: ukupan indeks cijena proizvođača industrijskih proizvoda, indeks za domaće tržište i indeks za inostrano/ inozemno tržište.

Posmatrano po oblastima, najveći rast indeksa cijena je registrovan/registriran kod Proizvodnje i snabdijevanja/opskrbe električnom energijom, gasom/plinom, parom i klimatizaciji za 9,5%. Najveći pad indeksa cijena je registrovan/registriran u oblasti Proizvodnje tekstila za 9,2%

Ukupan indeks cijena proizvođača industrijskih proizvoda u novembru/studenom 2013. godine u odnosu na isti mjesec prethodne godine niži je za 2,4%, a u odnosu na decembar/ prosinac 2012. godine niži je za 1,8%.




ANKETA O RADNOJ SNAZI

U 2013. godini stopa zaposlenosti je 30,3% (39,7% za muškarce i 21,3% za žene), što je više za 0,3 procentnih poena u odnosu na 2012. godinu kada je iznosila 30,0% (40,4% za muškarce i 20,3% za žene). Stopa zaposlenosti je najviša u starosnoj skupini 25 do 49 godina i iznosi 50,8%. Posmatrano prema djelatnostima najveći broj osoba zaposlen je u uslužnim djelatnostima, 54,5% od ukupnog broja zaposlenih.

Stopa anketne nezaposlenosti zabilježila je pad za 1,8 procentnih poena u odnosu na 2012. godinu. Stopa nezaposlenosti za muškarce opala je za 0,6 procentnih poena, a za žene za 3,8 procentnih poena. Kao i do sada stopa nezaposlenosti najviša je među mladim osobama starosti 15 do 24 godine i iznosi 58,9% (58,8% za muškarce i 59,1% za žene).

Stopa aktivnosti u 2013. godini je 41,8% (54,4% za muškarce i 29,8% za žene) što je niže za 0,6 procentnih poena u odnosu na prošlu godinu kada je bila 42,4% (55,9% za muškarce i 29,9% za žene). Stopa aktivnosti je najviša u starosnoj skupini 25 do 49 godina i iznosi 68,4%.



INVESTICIJE, PRESJEK 2011-2012

Federalni zavod za statistiku u ovom saopćenju objavljuje konačne podatke o investicijama za 2012. godinu.

Podaci su prikupljeni putem sljedećih istraživanja: - Godišnji izvještaj o investicijama u stalna sredstva (obrazac INV-01) za sve pravne osobe; - za oblast poljoprivrede individualnog sektora (poljoprivredna gazdinstva) podaci su prikupljeni putem općina, a bazirani/temeljeni su na procjenama općinskih komisija.

Nisu obuhvaćena investiciona ulaganja samostalnih poduzetnika i domaćinstava.

Podaci o investicijama prikazuju ukupne isplate za investicije po osnovnim oblicima finansiranja/financiranja, ostvarene investicije (nova i polovna/rabljena stalna sredstva) po tehničkoj strukturi i ostvarene investicije u nova stalna sredstva (nova i polovna/rabljena uvozna stalna sredstva) po tehničkoj strukturi.

Svi podaci su iskazani po područjima Klasifikacije djelatnosti BiH 2010, koja je usklađena sa evropskom klasifikacijom NACE Rev. 2, a pravne osobe su grupisane prema sjedištu i pretežnoj djelatnosti investitora (organizacioni princip).